

REGLUGERÐ**um breytingu á reglugerð nr. 390/1974 um sölu og meðferð
ávana- og fíkniefna.****1. gr.**

Við lista B á fylgiskjali I (efni, sem eingöngu er heimilt að nota hér á landi í vísindalegum og læknisfræðilegum tilgangi og eru jafnframt eftirritunarskyld) bættist.

B. 22 Carisoprodolum INN.

Efni merkt B. 22 verði B. 23. o. s. frv.

2. gr.

Reglugerð þessi, sem sett er samkv. heimild í lögum um ávana- og fíkniefni nr. 65/1974 öðlast gildi þegar við birtingu.

Heilbrigðis- og tryggingamálaráðuneytið 11. september 1979.

Magnús H. Magnússon.

Ingimar Sigurðsson.

REGLUGERÐ**um heimilishjálp á Bíldudal.****1. gr.**

Hlutverk heimilisþjónustunnar er að veita hjálp á heimilum að tilvísan læknis, hjúkrunarkonu, ljósmóður eða öðrum tilvísunum, sem hreppsnefnd metur gildar, að hjálpar annarrar en hjúkrunar sé þörf vegna elli, sjúkdóma, örorku, barnsburðar, slysa, dauðsfalla eða af öðrum ástæðum.

Hjálpin veitist þann tíma og á þann hátt, sem hreppsnefnd metur að nauðsyn sé hverju sinni.

2. gr.

Heimilisþjónusta felur í sér eftirtalin atriði:

1. Aðstoð við aldraða í þeim tilgangi að gera þeim kleift að dvelja lengur í heimahúsum.
2. Aðstoð við sjúklinga í heimahúsum, sem þarfnast umönnunar.
3. Umsjón með heimili, þar sem húsmóðir eða heimilisfaðir eru fjarverandi vegna veikinda.
4. Aðstoð við fatlaða, sem gúa einir.
5. Önnur tilfelli, sem meta þarf hverju sinni.

3. gr.

Hreppsnefnd ákveður hvert form skuli vera á umsóknum um heimilisþjónustu.

4. gr.

Hreppsnefnd Suðurfjarðarhrepps ber að ganga úr skugga um að starfsfólk það, sem heimilishjálpinu stundar hverju sinni á vegum hreppsins sé hæft til starfsins og gefi því kost á að sækja námskeið til að auka þekkingu sína á þessu sviði.

5. gr.

Um launakjör og hlunnindi starfsfólks heimilishjálpar fer eftir ákvörðun hreppsnefndar.

6. gr.

Hreppssjóður Suðurfjarðarhrepps ber ekki fjárhagslega ábyrgð á tjóni, sem starfsfólk það, er vinnur á vegum heimilishjálparinnar, kann að valda við störf sín, umfram það sem bætt er af sérstakri ábyrgðartryggingu, sem heimilishjálpin kaupir.

7. gr.

Fyrir heimilishjálpinu skv. reglugerð þessari og reglum, sem hreppsnefnd setur þar um, skal sá, sem hjálpar nýtur, greiða eftir gjaldskrá sem hreppsnefnd setur, þar sem tekið er tillit til tekna og annarra aðstæðna viðkomandi og kostnaðar við hjálpinu. Skal taxti þessi breytast í samræmi við laun og framfærslukostnað.

Hreppsnefnd setur og nánari reglur um greiðslu, innheimtu og annað sem hún telur máli skipta í þessu efni.

8. gr.

Suðurfjarðarhreppur annast bókhald og fjárreiður heimilisþjónustunnar og skulu reikningar endurskoðast árlega með sama hætti og reikningar sveitarsjóðs.

Reglugerð þessi, sem hreppsnefnd Suðurfjarðarhrepps hefur samið og samþykkt, staðfestist hér með samkvæmt lögum nr. 10 25. janúar 1952, um heimilishjálp í viðlögum, til þess að öðlast gildi þegar í stað og birtist til eftirbreytni öllum þeim, sem hlut eiga að máli.

Félagsmálaráðuneytið, 12. september 1979.

F. h. r.

Hallgrímur Dalberg.

Hólmfríður Snæbjörnsdóttir.

AUGLÝSING

um umferð í Hólmavík.

Að fengnum tillögum hreppsnefndar Hólmavíkurhrepps og samkvæmt heimild í 65. gr. umferðarlaga nr. 40, 1968, eru hér með settar eftirfarandi reglur um umferð í Hólmavík.

1. Hafnarbraut hefur aðalbrautarréttindi og skal umferð um allar aðliggjandi götur hafa biðskyldu gagnvart henni.
2. Umferð um Kópnesbraut skal hafa biðskyldu gagnvart Bröttugötu.
3. Bifreiðastöður skulu óheimilar við norðanverða Hafnarbraut frá húsi nr. 31 að Brekkugötu. Einnig skulu bifreiðastöður óheimilar við austanverða Höfðagötu á móts við hús nr. 3 (verslunarhús K. S. H.)

Þetta tilkynnist öllum, sem hlut eiga að máli.

Sýslumaðurinn í Strandasýslu, 27. júlí 1979.

Rúnar Guðjónsson.